

NORÜ TAXRE GA POPERA GA TIMUTÉUCA X NAXÜMATÜXÜ GĀ PAURU

Timutéuxü narümoxë ga Pauru

¹ Pa Timutéux, choma i Pauru nixĩ i cuxcèx chanaxümatüxü i ñaã popera. Rü choxü nixĩ ga namuxü ga Ngechuchu ya Cristu, yerü yemaäcü nanaxwèxe ga Tupana. Rü nüma choxü namu na nüxü chixuxüçèx na ñuxäcü tüxü nangëxmaxü i maxü i taguma gúxü, ega aixcüma Ngechuchu ya Cristuaxü yaxögu. ² Cuxü changechaü, Pa Chaune, Pa Timutéux. Rü chanaxwèxe ya Tanatü ya Tupana rü Ngechuchu ya Cristu ya tórü Cori na cuxü nangüxëëgüxü rü nüxü cungechaütümüügüxü rü cuxü nataãëxëëgüxü.

Tama name i taxãne na Cristuchigaxü ixuxü

³ Guxüguma i chütacü rü ngunecü rü cuxna chacuèxächixü i chorü yumüxëwa, rü poraäcü cuxcèx moxë Tupanana chaxã. Rü nüxü nixĩ i chapuracüxü i mexü i chauãëmaã, yexgumarüü ga nuxcümaügüxü ga chorü oxigü naxügüxürüü. ⁴ Choma rü nüxna chacuèxächi na ñuxäcü poraäcü chauxcèx cungechaüxü rü chauxcèx cuxaxuxü ga yexguma cuxna íchixüxgu. Rü wenaxärü cuxü chadauxchaü na aixcüma chataãëxüçèx. ⁵ Erü nüxna chacuèxächi na ñuxäcü aixcüma Tupanaãxü cuyaxöxü. Rü curü noxë ga Loída rü cue ga Euníchia rü tüma rü woetama tüxira Tupanaãxü

tayaxõgü rü nüxũ chacuèx i ñuxma rü cuma rü ta aixcüma cuyaxõxũ. ⁶ Rü ngẽmacèx cumaã nüxũ chixu na cugü cuporaxẽxũ na yexeraãcü cunaxüamaxüçèx i ngẽma Tupanaãrũ puracü ga naxcèx cuxna naxããxũ ga cuèx ga yexguma noxri cuxũ chingõgüãcüma cumaã chayumüxẽgu. ⁷ Yerü Tupana rü tama tüxna nanamu ga naãe i tüxũ muũeẽxũ. Natürü tüxna nanamu ga Naãe i Üünexũ na tüxũ naporaexẽxüçèx na aixcüma duũxügüxũ ingechaũgüxüçèx rü meã yigümaã icuáxüçèx. ⁸ Rü tama chanaxwèxe na cuxãnexũ na nüxũ quixuxũ i nachiga ya tórü Cori. Rü ngẽxgumarüũ ta tama chanaxwèxe i chauxcèx cuxãne i ngẽma na chapoxcuxũ naxcèx i Tupanaãrũ ore. Rü name nixĩ i yaxna namaã cuxĩnũ i ngẽma ngúxũ i cuxcèx ínguxũ nagagu i ngẽma ore i mexũ i nüxũ quixuxũ. Rü Tupana tá cuxũ naporaxẽe. ⁹⁻¹⁰ Rü Tupana tüxũ namaxèxẽe rü tüxũ nade na naxcèxicatama imaxèxüçèx. Natürü tama ÷acü rü mexũ na ixüxügagu nixĩ ga yemaãcü tamaã namecümamaxũ ga Tupana. Natürü yemaãcü tüxũ narüngüxèe yerü woetama yema nixĩ ga nanaxwèxexũ yerü Ngechuchu ya Cristugagu tüxũ nangechaũ. Rü nüma ya Tupana ga tautama naãne üxgumama tüxũ ngechaüçü, rü yexguma ínanguxgu ga tórü maxèxèeruũ ga Ngechuchu ya Cristu, rü yexguma nixĩ ga Tupana tüxũ nüxũ dauxèxũ na ñuxãcü poraãcü tüxũ nangechaũxũ. Rü nüma ga Cristu nixĩ ga iyanaxoxèẽãxũ na iyuxuchixũ yerü nüma rü yuwa ínarüda rü wena namaxũ. Rü norü orewa tüxũ nüxũ nacuèxèe na yixema rü ta tüxũ nangèxmaxũ i ngẽma maxũ i taguma gúxũ ega nüxũ yaxõxgu.

11 Rū Tupana choxū ningucuchixēē na nūxū chixuxūcèx i ngēma norū ore i mexū. Rū choxū namu na ngēma oremaã chanangúexēēxūcèx i duūxūgū i guxūwama. 12 Rū ngēmacèx nixī i poraãcū ngúxū chingexū rü chapoxcuxū i ñuxmax. Natürü tama naxcèx chaxãne i ngēma, erü choma nūxū chacuèx na texéaxū chayaxōxū. Rū nūxū chacuèx na naporaxū i nūma na nūxna nadauxūcèx i ngēma puracū i choxna naxāxū rü namaã inacuáxūcèx i chauãē i guxūgutáma ñuxmatáta ngēma ngunexū i nagu wena núma naxūxū. 13 Rū chanaxwèxe i meãma nagu quixū i ngēma nguxēētae i mexū ga chauxūtawa naxcèx cungúxū. Rū name nixī i meã nūxū cuyaxōōma ya Ngechuchu ya Cristu rü meã nūxū cungechaū i guxūma i duūxūgū, erü Cristuarü duūxū quixī. 14 Rū name nixī i Tupanaãē i Üünexū i tawa maxūxūārü ngūxēēmaã ícunapoxū i ngēma nguxēētae i mexū i Tupana cuxna āxū. 15 Cuma marü nūxū cucuèx rü guxūma ga yema yaxōgūxū ga Áchiaarü nañewa ne ìxū rü marü choxna naxīgū. Rū yematanüwa nayexma ga Figueru rü Ermóquene. 16 Onesíferu rü muēxpūxcūna choxū nataãēxēē, rü tama chauxcèx naxãne i ngēma na chapoxcuxū. Rū ngēmacèx chanaxwèxe i tórü Coriaxū nangechaūtümüügū i guxūma i natanūxūgū. 17 Rū yexguma noxritama Dumawa nanguxgu ga nūmax, rü chauxcèx nadauecha rü ñuxmata choxū iyangau. 18 Cuma meãma nūxū cucuèx ga ñuxãcū tüxū na nangūxēēxū ga Onesíferu ga Epéchiuarü ññewa. Rū ngēmacèx chorü yumūxēwa naxcèx íchaca na Tupanaãxū

nangechaütümüüxücèx i ngëxguma wena ñoma i naãnewa naxūxgu ya tórü Cori ya Ngechuchu.

2

Ngechuchu ya Cristuarü puracütanüxü i mexüchiga

¹ Rü ñuxma, Pa Chaune, Pa Timutéux, jrü cugü naporaxëë namaã i ngëma pora i Ngechuchu ya Cristu cuxna ãxü! ² Yema ore ga chauxütawa nüxü cuxñnüxü ga yexguma muxüma ga duüxügüpëxewa nüxü chixuxgu, rü chanaxwèxe i ñuxma cuxi ngëma oremaã cunangúexëë i togü i yatügü i meã naãëxü cuèxgüxü na nüxü togüxü nangúexëëxücèx namaã i ngëma ore. ³ Rü tama name i naxcèx cumuü na Ngechuchu ya Cristuarü oregagu ngúxü quingexü. Natürü name i namaã cupora ñoma wüxi i mexü i norü churararüü. ⁴ Rü wüxi i duüxü i churarawa ngëxmaxü, rü taxucürüwama to i puracü i tama churaraarü ixixügu narüxñnü. Natürü ngëma norü ãëxgacü nagu namuxü i puracügu nixü i naxñnüxü na ngëmaãcü norü ãëxgacüxü nataãëxëëxücèx. ⁵ Rü ngëxgumarüü ta wüxi i duüxü i wüxi i ñnücawa nügü ingucuchixëëxü, rü taxuacüma nanayaxu i norü ãmare ega chixri naxñnücèxwèxegu rü tama ngëma ñnücaarü ãëxgacüga naxñnügu. ⁶ Rü texé ya naãnewa puracüxe rü name nixü i tüxira tanayaxu i tümanetüarü o. ⁷ jrü guxüguma nagu rüxñnü i ñaã ore i cumaã nüxü chixuxü! Rü nüma ya Cori ya Ngechuchu tá cumaã inananguxüxëë i guxüma na nüma nanaxwèxexüãcüma cunañxücèx i ngëma puracü. ⁸ jrü nüxna nacuèxãchi ya

Ngechuchu ya Cristu ya Dabítanüxü ga guma yuwa írüdacü! Rû yimachiga nixĩ i ngêma ore i mexü i duüxügümaã nüxü chixuxü. ⁹ Rû ngêma oregagu nixĩ i ngúxü na chingexü rû ñoma wüxi i máêtaxürüü núma poxcupataüwa cadenamaã chichotaxü. Natürü Tupanaärü ore i mexü, rû guxüwama nanguama rû taxucürüwama texé tayachota. ¹⁰ Rû ngêmacèx yaxna namaã chaxĩnü i ngêma ngúxü i chingexü naxcèx i ngêma duüxügü i Tupana dexü. Erü chanaxwèxe i nümagü rû ta Ngechuchu ya Cristuaxü nayaxögü, rû ngêmaäcü na nayauxgüãxüçèx i maxü i mexü i taguma gúxü. ¹¹ Rû pemaã nüxü chixuxchaü i wüxi i ore i aixcüma ixĩxü. Rû ngêxguma Cristu yuxürüü norü orecèx iyuegu, rû naxrüü tá ta wena tamaxê na nüma Ínangêxmaxüwa ingêxmagüxüçèx. ¹² Rû ngêxguma ñoma i nañewa yaxna namaã ixĩnüëgu ega ngúxü ingexgu, rû daxüguxü i nañewa rû wüxigu namaã äêxgacü tá tixígü. Rû ngêxguma tama Cristuxü icuáxchaügu i ñoma i nañewa, rû nüma rû tãütáma tüxü nacuáxchaü i daxüguxü i nañewa. ¹³ Natürü woo ñuxguacü i yixema rû tama aixcüma naxüxgu i ngêma Tupanamaã ixunetaxü, natürü nüma ya Tupana rû guxüguma nayanguxêê i ngêma tamaã inaxunetaxü, erü taxuacüma nügütama nawomüxêê.

Wüxi i mexü i puracütanüxü i Tupana namaã taãxüchiga

¹⁴ Rû ngêma yaxögüxü i cuxütawa ngêxmagüxü, rû name nixĩ i Tupanaegagu nüxna nüxü cucuèxãchixêê na tama nuxcümaügüxü i ore i taxuwama mexüçèx nügümaã na

yaporagatanücüxücèx. Erü ngēma rü wüxi i chixexü nixĩ, rü nanachixeãëxëẽ i ngēma duüxügü i nüxü ñnüëxü. ¹⁵ ;Rü cugü naporaxëẽ na meã cunaxüxü i Tupanaãrü puracü na cumaã nataãëxücèx i ngëxguma napëxewa cunguxgux rü ngemaãcü taxucèxma cuxãnexücèx i ngëxguma nūma cuxna nacaxgu naxcèx i curü puracüchiga! ;Rü ngēmacèx name i aixcüma meã namaã cungúexëetae i ngēma ore i mexü i aixcüma ixixü! ¹⁶ ;Rü nüxü rüxo i ñoma i naãnecüãxãrü dexagümare i taxuwama mexü! Erü ngēma duüxügü i ngēma dexagümaregu ñxü, rü guxüguma yexeraãcü chixexügu nayi. ¹⁷ Rü ngēma norü nguxëetae i ngēma duüxügü, rü ñoma wüxi i ñaaweane i tüxü íymachixëëxürü nixĩ. Rü yema nixĩ ga nüxü ngupetüxü ga Imenéu rü Firetu. ¹⁸ Yerü nidoragümare ga nüxü na yaxugüexü rü marü na nangupetüxü i yuetaarü dachiga. Rü yemaãcü nanawomüxëëgü ga ñuxre ga duüxügü na tama noxrirüü yaxögüãxücèx i Tupanaãrü ore. ¹⁹ Natürü Tupanaãrü ore rü taguma inayarüxo rü taguma naxüchicüü. Rü ngēma norü orewa rü ñanagürü:

“Tóru Cori ya Tupana nüxü nacüex i texé tixĩ ya norü duüxügü ixigüxe. Rü guxãma ya yixema nüxü ixuxe na Ngechuchu ya Cristu rü tümaãrü Cori yiixü, rü name nixĩ i nüxna tixigachi i guxüma i chixexü”,

ñanagürü i ngēma norü orewa. ²⁰ Wüxi i duüxü i dñeruãxüchixü rü napatawa nangëxma i poratu i uirunaxcèx rü dñerumünaxcèx. Rü nangëxma ta i poratu i nañnaxcèx rü waixümünaxcèx. Rü ngēma poratu i uirunaxcèx rü dñerumünaxcèx

rü mexü i norü õnacèx nixĩ. Natürü ngẽma poratu i naĩnaxcèx rü waixümunaxcèx rü guxchirechixü nixĩ. ²¹ Rü ngẽxguma wüxi i yaxõxü naxwèxegu na aixcüma mexü i Tupanaãrü puracütanüxü na yĩxü, rü name nixĩ i nüxna nixügachi i guxüma i chixexü. Rü ngẽxguma tá nixĩ i Tupanapẽxewa aixcüma naxüünexü na naxüãxücèx i nagúxüraüxü i puracü i Tupana namaã nüxü ixuxü. ²² ;Nüxü rüxo i guxüma i ngẽma chixexü i ngextüxcügü nagu rüxĩnüëxü! ;Rü meã Tupanapẽxewa namaxü rü aixcüma nüxü yaxõ! ;Rü nüxü nangechaü i guxüma i duüxügü, rü tãxü i namaã cunuxü! ;Rü ngẽmaãcü namaxü wüxigu namaã i guxüma i ngẽma duüxügü i aixcüma Tupanacèx maxèxü rü ngemaãcü yumüxègüxü!. ²³ Rü tama name i naxcèx icurüxĩnü i ngẽma dexagü i taxuwama mexü. Erü ngẽma dexagügagu rü düxwa nügüchi naxaie i duüxügü. ²⁴ Rü wüxi i Tupanaãrü puracütanüxü rü tama name na texemaã núcèx nadauxü. Rü narümemae nixĩ na guxãma namecümamaxü.. Rü nanaxwèxe i yaxna namaã naxĩnüãcüma meã duüxügüxü nangúexèë i Tupanaãrü ore. ²⁵⁻²⁶ Rü wüxi i Tupanaãrü puracütanüxü rü name na yaxna namaã naxĩnüãcüma meã nayaxucuxègüãxü i ngẽma duüxügü i tama irüxĩnüëchaüxü. Rü name i ngẽmaãcü ínananguxèë na Tupana nüxü rüngüxèëxü i ngẽma duüxügü na nüxü naxoexücèx i norü chixexü rü nüxü nacuèxgüxcèx i ngẽma ore i aixcüma ixĩxü. Erü Tupana nanaxwèxe na naxuãègüxü i ngẽma duüxügü rü nawa ínanguxüxü i ngẽma chixexü i ngoxo i Chataná nagu nayixèëxü na noxrütama

ngúchaũ namaã naxüxüçèx.

3

Nuxãcü tá nixĩ i duũxüğücüma i ngëxguma nagúxchaũgu i naãne

¹ Rü chanaxwèxe i nüxü cucuèx rü ngëxguma nagúxchaũgu i naãne rü tá nangëxma i aũcümaxüğü rü guxchaxüğü naxcèx i duũxüğü. ² Rü duũxüğü rü tá nüğüguxicatama narüxĩnüë, rü norü dñeruguama tá narüxĩnüë. Rü tá nüğü nicuèxüxüğü, rü ngëmaãcü täütáma nüxü nacuèxgüchaũ i togü i duũxüğü i tama naxrüü taarü dñeruãxgüxü. Rü chixri Tupanachiga tá nidexagü, rü täütáma nanatüga rü naëga naxĩnüëchaũ. Rü täütáma moxë inaxã i ngëxguma Tupana nüxü rüngüxëëgu, rü ngëmaãcü täütáma nüxü nacuèxgüchaũ i Tupanaärü ore. ³ Rü täütáma nagu narüxĩnüë i togü i duũxüğüxü na nangechaũgüxü, rü täütáma nüxü nangechaũtümüüğü. Rü tá naxoregütèèxgü, rü täütáma nüğü naporaexëë na yaxna namaã naxĩnüèxüçèx i naxüneärü ngúchaũgü. Rü tá nichixecüma, rü tá naxchi naxaie i guxüma i ngema mexü. ⁴ Rü duũxüğüechitawèxegüxü tá nixĩgü, rü nuëwèxexü tá nixĩgü, rü nüğü icuèxüüğüxü tá nixĩgü. Rü tá norü ngúchaũçèxama nadaugü, rü täütáma Tupanaxü nacuèxgüchaũ. ⁵ Rü tá nüğü nayaxögüxüchinetaxëë natürü ngëma norü chixexü i naxüğüxüwa tá nangoxoma na tama aixcüma yaxögüãxü i ngëma ore i mexü. Rü ngëma duũxüğü i ngëmaãcü maxëxü, rü tama name na namaã cuxãmücüxü rü natanügu cuxãxü. ⁶⁻⁷ Erü ngëma duũxügütanüwa

nangëxmagü i nümaxü i ñpatagu ichocuetanüxü. Rü norü ngüxëetaemañ nayawomüxëëgü i ngëma ngexügü i ngema ngëxmagüxü i tama naaëxü icuáxü rü chixri maxëxü. Rü ngëma ngexügü, rü norü ngüchaügütama chixexüwa nanagagü, rü ngëmacëx woo guxüguma nangúe natürü taguma aixcüma nüxü nacuèxgü i ngëma ore i aixcüma ixixü. ⁸ Rü ngëma duüxügü i chixexümañ ngüxëetaegüxü, rü chixexüguxicatama narüxnüë, rü tama aixcüma nayaxögü i Tupanaärü ore. Rü naxchi naxaie i ngëma ore i aixcüma ixixü, naxrüü ga yema yuüxügü ga Yane rü Yáübre ga tama Moíchéga ñnüëchaüxü. ⁹ Natürü täütáma muxü i duüxügü nüxü nayaxögü. Erü guxüwama i duüxügü rü tá nüxü nicuèxächitanü na wüxi i duüxügü i chixexügu rüxnüexü rü ngeämarexü yixügüxü naxrüxü ga yema taxre ga tama Moíchéga ñnüëchaüxü.

Ucuxëmañ inyacuèxëë ga Pauru na Timutéumañ yadexaxü

¹⁰⁻¹¹ Natürü cumax, Pa Timutéux, marü nüxü cucuèx ga ñuxäcü meã na chanangüxëëxü ga duüxügü, rü ñuxäcü meã chamaxüxü, rü ñuxäcü nagu charüxnüxü rü meã chayaxöxü, rü ñuxäcü yaxna namañ chaxñüxü ga duüxügü rü nüxü changechaüxü. Rü cuma nüxü cucuèx ga ñuxäcü na chaugü chaporaxëëxü na yaxna namañ chaxñüxü i guxchaxügü. Yerü ga duüxügü rü chowe ningexütanü na choxü yamëxgüxüçëx. Rü cuma rü nüxü cucuèx ga tacü choxü na üpetüxü ga Aütioquíawa rü Icúniüwa rü Listrawa, rü ñuxäcü chowe na yangexütanüxü rü poraäcü

ngúxũ chingexũ. Natürü tórü Cori ya Tupana choxũ ínapoxũ na tama choxũ yamèxgüxũcèx. ¹² Rü aixcüma cumaã nüxũ chixu rü guxãma ya yíxema naxwèxegüe na Ngechuchu ya Cristucèx tamaxèxũ, rü togü tá tümachi naxaie rü chixri tá tümamaã nachopetü. ¹³ Natürü ngẽma duüxügü i chixecümagüxũ rü ngẽma duüxügü i idoratèèxgüxũ rü yexeraxũ i chixexügu tá nayi. Erü Chataná marü nayawomüxèègü, rü ngẽmacèx nüxĩ togüxũ nawomüxèègü. ¹⁴ Natürü i cuma rü name nixĩ i guxüguma meã nagu quixũ i guxüma i ngẽma ore i marü cungúxũ. Erü cumatama rü nüxũ cucuèx na aixcüma yĩxũ i ngẽma ore, rü nüxũ cucuèx na texégü tixígüxũ ga guxema namaã cuxũ nguxèègüxe. ¹⁵ Rü cuma nüxũ cucuèx rü cubuxgumamatama nawa cungüx i ngẽma Tupanaãrü ore i üünexũ. Rü ngẽmawa cunayaxu i cuèx na nüxũ cucuáxüçèx i ñuxãcü tüxũ na nangèxmaxũ i maxũ i taguma gúxũ ega Ngechuchu ya Cristuaxũ yaxõgügu. ¹⁶ Rü guxüma i Tupanaãrü ore i ümatüxũ rü nügüãèwatama nanayaxu ga Tupana. Rü ngẽma ore rü name na duüxügüxũ namaã ingúexèèxũ, rü namaã yaxucüxègüxũ rü namaã iyanawèxãchixèègüxũ, rü namaã nangúexèèxũ na meã Tupanapèxewa namaxèxüçèx. ¹⁷ Rü ngẽmaãcü i ngẽma ore rü tüxũ narüngüxèè ya yíxema Tupanaãrü ixĩxè, na meã nüxũ tacuáxüçèx i ngẽma Tupana naxwèxexũ rü ítamemarexũ na tanaxüxũ i nagúxüraüxũ i puracü i Tupana tümamaã nüxũ ixuxũ.

4

1-2 Rü nüma ya Ngechuchu ya Cristu ya

núma tá ũcü na nüxũ yacagũxũcèx i ngẽma duũxũgũ i maxẽxũ rü ngẽma marü yuechiréxũ, rü yimapẽxewa rü Tupanapẽxewa cuxũ chamu na nüxũ quixuxũcèx i ngẽma ore i mexũ. Rü ngẽxguma cuxũ yatauxchaãchigu rü woo cuxũ naguxchagu, rü chanaxwèxe i nüxũ quixuama i ngẽma ore. Rü ngẽmaãcü chanaxwèxe na icuyanawẽxãchixẽẽgũxũ rü meã cuyaxucuxẽgũxũ rü nüxũ cunangũchaũxẽẽxũ i duũxũgũ. Rü name nixĩ i yaxna namaã cuxĩnũãcüma meã cunangúexẽẽ. ³ Erü yixcüra i duũxũgũ rü tãũtáma nüxũ naxĩnũẽchaũ i ngẽma nguxẽẽtae i mexũ. Erü ngẽma duũxũgũ rü nichixecüma. Rü ngẽmacèx naxcèx nadaugũ i norü ngúexẽẽruũgũ i nũma nanaxwèxegũxũãcüma nangúexẽẽxũ. ⁴ Rü tãũtáma nüxũ naxĩnũẽchaũ i Tupanaãrũ ore i aixcüma ixĩxũ. Erü ngẽma ore i doramare ixĩxũguama tá narüxĩnũẽ. ⁵ ¡Natürü cuma rü meã cugüna nadau, rü ínaxuãẽ, rü namaã naporã ega ngúxũ cuxũ üpetügu! ¡Rü nüxũ ixuama i ore i mexũ i tüxũ maxẽxẽẽxũ, rü meã yanguxẽẽ i ngẽma puracü i Tupana cuxna ãxũ! ⁶ Tãũtáma muxũ i ngunexũ ñoma i naãnewa changẽxma erü marü choxũ ningaica na Tupanaãrũ puracü chaxũxũgagu chayuxũ rü choxũ na yamèxgũxũ i duũxũgũ. ⁷ Rü choma rü marü chayanguxẽẽ i ngema puracü i Tupana choxna ãxũ. Rü ñuxma na nagúxũ i ngema puracü rü taguma nüxũ charüxo na chayaxõxũ. ⁸ Rü ñuxma rü marü Tupana choxũ namaã nanguxũ i ngẽma ãmare i mexèchixũ ya tórü Cori ya Ngechuchu ya ãẽxgacü ya mecü tá choxna ãxũ i ngẽxguma wenaxãrũ ñoma i naãnewa

naxũxgu. Rũ tãútáma chaxica choxna nanaxã i ngẽma ãmare, natürü tá tüxna nanaxã ya guxãma ya yíxema tümaãrũ ngúchaũmaã ínanguxẽẽgũxe na wenaxãrũ núma naxũxũ.

Timutéuxũ naxucuxẽ ga Pauru

⁹ Cumaã nüxũ chixu rü chanaxwèxe i paxa nuã cuxũ, rü choxũ ícuyadau. ¹⁰ Dema rü ñoma i naãneãrũ ngẽmaxũgu naxĩnüxũgagu choxna nixũ rü ñãne ga Techarónicawa naxũ. Rũ Crechéũte rü Gárataanewa naxũ, rü Titu i Darumáchiaanewa. ¹¹ Rũ Luçaxícátama nixĩ i ñuxma chauxütawa ngẽxmaxũ. Rũ chanaxwèxe i naxcèx cudau i Marcu na nuã cunagaxũcèx. Erü nüma rü chauxcèx name na choxũ na nangũxẽẽxũ i ñãã puracüwa. ¹² Rũ Tíquicu rü ñãne ya Epéchiuwa chanamu. ¹³ ¡Ngẽxguma nuã cuxũxgu rü nuã nange i chorü gáuxũchiru ga ñãne i Tróawa ngẽxmaxũ ga Carpupatawa chatáxũ! Rũ chanaxwèxe i nuã cunana i chorü poperagü. Rũ guxũãrũ yexera chanaxwèxe na nua cunanaxũ i chorü poperagü i idixgüpútaxũ. ¹⁴ Areyáũdru i cobrenaxcèx i buetarearü üwa puracüxũ rü poraãcü chixri chomaã naxüpetü. Natürü Tupana nüxũ nacuèx i ñuxãcü tá na napoxcuãxũ naxcèx ga yema chixexũ ga chomaã naxũxũ. ¹⁵ ¡Meã cugüna nadau na tama chixexũ cumaã naxũxũcèx! Erü poraãcüxũchima naxchi naxai i Tupanaãrũ ore i mexũ. ¹⁶ Yexguma noxrixũchima ãẽxgacügüpèxewa chaugüétüwa chideaxgu rü taxúema choxũ tarüngũxẽẽ. Guxũma choxna nibuxmü. Natürü tama chanaxwèxe ya Tupana rü nagu narüxĩnü i ngẽma. ¹⁷ Natürü tórü Cori

choxũ naporaxẽẽ rü choxũ narüngũxẽẽ na choxũ natauxchaxũcèx na nüxũ chixuxũcèx ga norü ore i mexũ i tüxũ maxẽxẽẽxũ. Rü yemaãcü guxũma ga yema duũxũgü ga tama yaxõgũxũ ga yéma yexmagũxũ rü nüxũ naxĩnüẽ ga yema ore. Rü yemaãcü tórü Cori ya Ngechuchu choxũ ínguxuchixẽẽ ga yexguma taxũ ga ãücũmaxũwa chayexmagu. ¹⁸ Rü nüma ya tórü Cori tá choxũ ínguxuchixẽẽ nawa i guxũma i chixexũgü. Rü tá choxna nadau na ngextá ãẽxgacü íyĩxũwa choxũ nagaxũcèx. Rü name i guxũguma nüxũ ticuèxüũgü. Rü ngẽmaãcü yĩ.

Pauru rü wenaxãrũ Timutéuxũ narümoxẽ rü naxcèx ínaca na Cori ya Ngechuchu ya Cristu nüxũ rüngũxẽẽxũ

¹⁹ Chanaxwèxe i chauégagu nüxũ curümoxẽ i Prisila, rü Aquiru, rü Onechéperutanüxũgü. ²⁰ Eratu rü ããne i Corĩtiugu narüxãũx. Rü Turuquínu rü idaawexũma ããne i Miretuwa chanatèx. ²¹ Rü naxũpa i gáuanexũ rü chanaxwèxe i nuã cuxũ. Rü cuxũ narümoxẽgü i Eubúru, rü Prudẽte, rü Linu, rü Cáudia, rü guxũma i taeneẽgü i yaxõgũxũ. ²² Rü chanaxwèxe i tórü Cori ya Ngechuchu ya Cristu cumaã nangẽxma, rü Tupana pexũ narüngũxẽẽ ya guxãma i pemax.

Rü nuãma pexna,
Pauru

**Tupanaarü Ore i Tóru Cori ya Ngechuchu ya
Cristuchiga
New Testament in Ticuna (PE:tca:Ticuna)**

copyright © 2008 Wycliffe Bible Translators, Inc.

Language: Ticuna

Translation by: Wycliffe Bible Translators, Inc.

Ticuna

tca

Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ticuna

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 22 Feb 2024 from source files dated 29 Jan 2022

9d5dc22a-30be-5d26-85a9-76047f4c89e6